

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), u skladu sa Programom utroška budžetskih sredstava u 2015. godini, usvojenim Zaključkom Vlade Zeničko-dobojskog kantona, broj: 02-14-12700/15 od 04.06.2015. godine, a na prijedlog Ministarstva za privredu, Vlada Zeničko-dobojskog kantona, na 17. sjednici, održanoj 10.07.2015. godine, d o n o s i

## **ZAKLJUČAK**

### **I.**

Daje se saglasnost na Uputstvo o postupku i kriterijima za odobravanje i dodjelu sredstava poticaja namijenjenih za subvencioniranje troškova investicija kod obrta, iz područja prerađivačkih djelatnosti i obavljanje djelatnosti prema uredbi o zaštiti tradicionalnih i starih zanata.

### **II.**

Za realizaciju podsticaja iz tačke I zadužuje se Ministarstvo za privredu, koje će donijeti sve provedbene akte i imenovati komisiju za provođenje propisanog postupka.

### **III.**

Zaključak stupa na snagu danom donošenja.

Broj: 02-\_\_\_\_\_/15.

Datum, 10.07.2015. godine

Zenica

**PREMIJER**

***Miralem Galijašević***

DOSTAVLJENO:

1x Ministarstvo za privredu,

1x Ministarstvo finansija,

1x a/a.



**UPUTSTVO  
O POSTUPKU I KRITERIJIMA  
ZA ODOBRAVANJE I DODJELU SREDSTAVA POTICAJA  
NAMJENJENIH ZA SUBVENCIONIRANJE INVESTICIJA  
KOD OBRTA IZ PODRUČJA PRERAĐIVAČKIH DJELATNOSTI I  
OBAVLJANJE DJELATNOSTI PREMA UREDBI O ZAŠTITI  
TRADICIONALNIH I STARIH ZANATA**

Zenica, juni 2015. godine

Na osnovu člana 56. i 66. stav 2. Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine“, broj: 35/05), ministar Ministarstva za privredu Zeničko-dobojskog kantona, uz saglasnost Vlade Zeničko-dobojskog kantona, donosi:

**UPUTSTVO  
O POSTUPKU I KRITERIJIMA  
ZA ODOBRAVANJE I DODJELU SREDSTAVA POTICAJA  
NAMJENJENIH ZA SUBVENCIONIRANJE INVESTICIJA  
KOD OBRTA IZ PODRUČJA PRERAĐIVAČKIH DJELATNOSTI I  
OBAVLJANJE DJELATNOSTI PREMA UREDBI O ZAŠTITI  
TRADICIONALNIH I STARIH ZANATA**

## **1. IZVORI I NAMJENA POTICAJNIH SREDSTAVA**

Na kraju 2014. godine u Zeničko-dobojskom kantonu je registrovano oko **4.012** subjekata iz oblasti obrta. U odnosu na 2013.godinu broj registrovanih subjekata je manji za oko šeststotna, što je alarmantno. Od ovog broja oko 689 ili 17 % subjekata spada u područje C-Prerađivačka industrija. Ovi podaci kao i očekivani sinergetski efekti ukazuju na potrebu uvođenja potsticaja za ove obrtničke djelatnosti.

Sredstva za subvencioniranje investicija kod obrta iz područja prerađivačkih djelatnosti obezbjeđuju se iz Budžeta Zeničko-dobojskog kantona za svaku godinu, a planiraju se Programom utroška sredstava u Ministarstvu za privredu, te odgovarajućim odlukama Vlade Kantona kojima se uređuju izdvajanja i transferi prema korisnicima.

Radi obavještanja korisnika o mogućnostima dobivanja sredstava poticaja odluke Vlade Kantona objavljuju se u “Službenim novinama Zeničko-dobojskog kantona” i sredstvima javnog informisanja, u formi javnog poziva za dodjelu poticaja, te na oficijelnoj web stranici Vlade Kantona.

Na kraju budžetske godine Ministarstvo će izvijestiti Vladu i Skupštinu Zeničko-dobojskog kantona o realizaciji poticaja.

U cilju intenziviranja investicija u proizvodne obrtničke djelatnosti i smanjenja administrativnih troškova, a samim tim povećanja zapošljavanja i razvoja, Vlada Kantona će pojedinačno subvencionirati dio troškova za:

1. Pripremu i izgradnju objekta za obavljanje djelatnosti,
2. Nabavku objekta opreme i mašina (stalna sredstva) za obavljanje djelatnosti,
3. Obavljanje djelatnosti prema Uredbi o zaštiti tradicionalnih i starih zanata (Službene novine Federacije BiH“, broj 35/09, 66/09, 38/10 i 16/12).

Subvencije se odnose na ove aktivnosti evidentirane nakon 01.01.2012. godine.

## **2. PROIZVODNI OBJEKTI, INVESTICIJE I KORISNICI POTICAJA**

Pod proizvodnim objektom, u duhu ovih kriterija, podrazumjevaju se uređeni građevinski prostori površine tlocrta od 20 do 200 m<sup>2</sup>, sagrađeni sa namjenom i u svrhu realizacije

proizvodne obrtničke djelatnosti za koju je obrtnik obezbjedio upotrebnu dozvolu prema Zakonu o građenju izdatu od nadležnog organa nakon 01.01.2012. godine.

Pod investicijom, u duhu ovog poticaja, podrazumjevaju se utrošci nastali tokom izgradnje ili adaptacije objekata, nabavke mašina i opreme (osnovnih sredstava) uredno evidentirati, nakon 01.01.2012. godine.

Korisnici sredstava poticaja su obrtnici registrovani u Zeničko-dobojskom kantonu po Zakonu o obrtu ("Službene novine Federacije BiH", broj: 35/09), sa liste vezanih i posebnih obrta, te tradicionalni zanati iz područja djelatnosti C-Prerađivačka industrija, za koju posjeduju dozvolu za obavljanje djelatnosti izdatu od nadležnog organa najmanje 12 mjeseci prije, računajući od dana podnošenja zahtjeva.

Korisnici sredstava poticaja za obavljanje djelatnosti prema Uredbi o zaštiti tradicionalnih i starih zanata („Službene novine Federacije BiH“, broj 35/09, 66/09, 38/10 i 16/12), su sva fizička lica koja posjeduju dozvolu za obavljanje djelatnosti izdata na području Zeničko-dobojskog kantona.

Subvencije po ovom programu neće se odobravati obrtnicima koji su već koristili podsticaje Vlade Kantona, po osnovu regresiranja kamata i subvencioniranja administrativnih troškova.

Također, podsticaji se neće odobravati za dopunske djelatnosti.

Jedno pravno ili fizičko lice ne može biti korisnik više od jednog poticaja Ministarstva za privredu u tekućoj budžetskoj godini.

### **3. IZNOS POTICAJNIH SREDSTAVA**

Vlada Kantona će subvencionirati aktivnosti obrtnika naveden u tački 1. ovog Postupka i kriterija.

Po osnovu pripreme i izgradnje objekta za obavljanje obrtničke djelatnosti, obrtniku će se odobriti sredstva u jednokratnom iznosu, određena prema slijedećoj tabeli:

| <b>Minimalna površina tlocrta objekta /m<sup>2</sup>/</b> | <b>Iznos sredstava poticaja /KM/</b> |
|-----------------------------------------------------------|--------------------------------------|
| 20                                                        | 1.000,00                             |
| 30                                                        | 1.200,00                             |
| 40                                                        | 1.600,00                             |
| 50                                                        | 2.000,00                             |
| 60                                                        | 2.400,00                             |
| 70                                                        | 2.800,00                             |
| 80                                                        | 3.200,00                             |
| 90                                                        | 3.600,00                             |
| 100                                                       | 4.000,00                             |
| 110                                                       | 4.400,00                             |
| 120                                                       | 4.800,00                             |
| 130                                                       | 5.200,00                             |
| 140                                                       | 5.600,00                             |
| 150                                                       | 6.000,00                             |
| 160                                                       | 6.400,00                             |
| 170                                                       | 6.800,00                             |
| 180                                                       | 7.200,00                             |

|     |          |
|-----|----------|
| 190 | 7.600,00 |
| 200 | 8.000,00 |

Po osnovu nabavke objekta opreme i mašina, kao osnovnih sredstava, za obavljanje obrtničke djelatnosti, obrtniku će se odobriti sredstva u jednokratnom iznosu od 5% od ukupne visine investicije koja može biti minimalno 10.000,00 i maksimalno 100.000,00 KM.

Korisnicima poticaja mlađim od 35 godina, računajući na dan podnošenja zahtjeva, ukupan iznos poticajnih sredstava se uvećava za 10%.

Sredstva za korištenja poticaja za obavljanje djelatnosti prema Uredbi o zaštiti tradicionalnih i starih zanata se dodjeljuje jednokratno u iznosu od 5.000,00 KM.

Ukupni iznos sredstava koja se mogu odobriti i isplatiti korisniku ovog poticaja je 30.000,00 KM, a odnosi se na realizaciju obrtničke djelatnosti u više obrtničkih radnji (izdvojeni prostor). Sredstva su u ovom iznosu limitirana na navedeni maksimalni iznos po više osnova:

- po jednom subjektu – korisniku,
- po više objekata (izdvojenih prostora) registrovanih po Zakonu o obrtu,
- u okviru jedne godine dana.

#### **4. ZAHTJEV ZA ODOBRAVANJE SREDSTAVA**

Zahtjev za odobravanje poticaja obrtnik dostavlja Ministarstvu za privredu.

Uredan Zahtjev za dodjelu poticaja za pripremu i izgradnju objekta za obavljanje djelatnosti i nabavku objekta opreme i mašina (stalna sredstva) za obavljanje djelatnosti, sadrži originale ili ovjerene kopije:

- Odobrenja za obavljanje djelatnosti prema Zakonu o obrtu,
- Odobrenje za upotrebu objekta, i / ili sredstava za rad,
- Dokumenta iz kojih se nedvosmisleno može utvrditi iznos investicije u osnovna sredstva,
- Uvjerena o uredno izmirenim javnim prihodima, ne starije od 60 dana, računajući od dana podnošenja zahtjeva.

Uredan Zahtjev za dodjelu poticaja za pripremu i izgradnju objekta za obavljanje djelatnosti prema Uredbi o zaštiti tradicionalnih i starih zanata, sadrži originale ili ovjerene kopije:

- Odobrenja za obavljanje djelatnosti prema Zakonu o obrtu.

Rok za podnošenje zahtjeva je 60 dana od dana posljednje objave Javnog poziva.

#### **5. KOMISIJSKA OCJENA I NEGATIVNO RJEŠENJE**

Komisiju za ocjenu ispunjenja uvjeta i kriterija za dodjelu sredstava aplikantima imenuje i razrješava ministar Ministarstva za privredu. Za svoj rad ova komisija odgovara ministru Ministarstva za privredu.

Komisija razmatra Zahtjeve investitora poštujući hronologiju prijema ovih akata u protokolu prijemnih akata Ministarstva, odnosno Vlade, te cijeni ispunjenost uvjeta i kriterija za odobravanje sredstava.

Izvještaj o ocjeni i mišljenju, Komisija dostavlja ministru Ministarstva za privredu.

U slučaju da Komisija ocjeni da nisu ispunjeni svi uslovi za odobravanje sredstava, ona predlaže, a Ministarstvo za privredu donosi Zaključak o odbijanju zahtjeva podnosioca.

## **6. POSTUPAK ODOBRAVANJA**

Na osnovu Izvještaja o ocjeni i mišljenja Komisije, Ministarstvo za privredu predlaže Vladi Kantona donošenje Odluke o odobravanju sredstava. Pojedinačne odluke Vlada donosi shodno raspoloživim sredstvima za tekuću godinu, a prednost u odobravanju sredstava poticaja ima onaj korisnik koji je ranije podnio zahtjev za koji je utvrđeno da ima ispunjene uvjete i zadovoljava kriterije dodjele.

Na početku svake godine Vlada Kantona odlučuje o nastavku dodjele ovih poticaja općenito i pojedinačno za svakog investitora, shodno projekciji budžetskih rashoda za tekuću godinu, o čemu donosi posebne odluke na temelju Programa utroška sredstava u Ministarstvu za privredu.

## **7. REFUNDACIJA SREDSTAVA – REALIZACIJA POTICAJA**

Na osnovu Odluke o odobravanju sredstava Ministarstvo za privredu podnosi Nalog za isplatu sredstava Ministarstvu finansija.

Broj: 04-14-12700-8/15  
Zenica, 23.06.2015. godine

**MINISTAR**

**Zvonimir Anđelić dipl.ing.građ.**